



**"REGIONALNA DEPONIJ A MOŠĆANICA" d.o.o. ZENICA**  
Moščanica bb, 72000 Zenica, Bosna i Hercegovina  
Tel: 032 / 44 63 60, Fax: 032 / 44 66 34,  
www.rdm.ba e-mail: [regdepze@bih.net.ba](mailto:regdepze@bih.net.ba)  
Identifikacioni broj: 4218003170004, PDV broj: 218003170004,  
Registarski broj: U/I-3232/02 (Kantonalni sud Zenica)

Broj: 02-188/17  
Zenica: 14.04.2017. godine

Na osnovu člana 68., stav (4), tačka h), člana 69., stav (2), tačka d) i člana 70. stav 1. i 4. Zakona o javnim nabavkama („Službeni glasnik BiH“, broj 39/14), te člana 35. Statuta Privrednog društva “Regionalna deponija Moščanica” d.o.o. Zenica, a na preporuku Komisije za javnu nabavku imenovane Odlukom, broj: 02-113/17 od 13.03.2017.godine u otvorenom postupku nabavke “Isporuka opreme za sistem otplinjavanja na Regionalnoj deponiji Moščanica”, direktor Privrednog društva “Regionalna deponija Moščanica” d.o.o. Zenica (u daljem tekstu: Ugovorni organ) donio je:

**ODLUKU**  
**o poništenju postupka nabavke**  
**“Isporuka opreme za sistem otplinjavanja na Regionalnoj deponiji Moščanica”**

**Član 1.**

Prihvata se preporuka Komisije za javnu nabavku, broj: 02-187/17 od 14.03.2017.godine, da se u skladu sa članom 68., stav 4., tačka h) i članom 69., stav 2., tačka d) Zakona o javnim nabavkama, otvoreni postupak nabavke “**Isporuka opreme za sistem otplinjavanja na Regionalnoj deponiji Moščanica**” poništi zbog toga što u postupku nabavke nije dostavljena ni jedna prihvatljiva ponuda.

**Član 2.**

Ova odluka objavit će se na web-stranici Ugovornog organa ([www.rdm.ba](http://www.rdm.ba)) istovremeno s upućivanjem primjerka odluke ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama.

**Član 3.**

Ova odluka stupa na snagu danom donošenja, i dostavit će se ponuđaču koji je učestvovao u postupku javne nabavke, u skladu sa članom 71. stav 2. Zakona o javnim nabavkama.

**O b r a z l o ž e n j e**

Postupak javne nabavke “Isporuka opreme za sistem otplinjavanja na Regionalnoj deponiji Moščanica”, koja bi se koristila za uvezivanje plinskih kolektora na kasetama za odlaganje otpada na Deponiji, pokrenut je Odlukom o pokretanju ponovljenog postupka javne nabavke, broj: 02-112/17 od 13.03.2017.godine.

Postupak je otvoren u skladu sa Zakonom o javnim nabavkama. Postupak se provodi po drugi put, jer u prvom, također otvorenom postupku nabavke za LOT – 2., kod nabavke opreme za sistem otplinjavanja, postupak je poništen iz razloga što nije dostavljena nijedna prihvatljiva ponuda. Procijenjena vrijednost javne nabavke bez PDV-a je 30.000,00 KM.

Javna nabavka je planirana u Planu javnih nabavki za 2017.godinu i evidentirana je u istom pod rednim brojem 2., a Plan je objavljen na web stranici Ugovornog organa ([www.rdm.ba](http://www.rdm.ba)) u skladu sa članom 17. Zakona o javnim nabavkama.

Javna nabavka je provedena otvorenim postupkom u skladu sa Zakonom o javnim nabavkama. Kriterij za ocjenu ponuda je "najniža cijena" prihvatljive ponude.

Dana, 13.03.2017.godine na portalu javnih nabavki ([www.ejn.gov.ba](http://www.ejn.gov.ba)) je objavljeno Obavještenje o nabavci, broj: 362-1-1-79-3-6/17, a sažetak Obavještenja o nabavci je objavljen u „Službenom glasniku BiH“, broj 19/17 od 17.03.2017.godine.

Komisija za javnu nabavku je imenovana Odlukom direktora Ugovornog organa, broj: 02-113/17 od 13.03.2017.godine. Komisija za javnu nabavku je dostavila Zapisnik o ocjeni ponuda, broj: 02-186/17 od 14.04.2017.godine u postupku javne nabavke "Isporuka opreme za sistem otplinjavanja na Regionalnoj deponiji Mošćanica".

U Izvještaju (Zapisniku) o radu Komisije je utvrđeno da je Komisija u skladu sa Zakonom o javnim nabavkama blagovremeno i pravilno izvršila otvaranje dostavljenih ponuda i njihovu ocjenu, o čemu je sačinila odgovarajući Zapisnik.

**U otvorenom postupku nabavke "Isporuka opreme za sistem otplinjavanja kasete za odlaganje otpada", utvrđeno je sljedeće:**

- da je ukupno dostavljena jedna (1) ponuda,
- da je blagovremeno zaprimljena jedna (1) ponuda,
- da nije bilo neblagovremeno zaprimljenih ponuda,
- da ponuda ponuđača "Faro" d.o.o. Zenica u postupku nabavke ne ispunjava formalno - pravne uslove u skladu sa Zakonom o javnim nabavkama i odredbama Tenderske dokumentacije za predmetnu nabavku Ugovornog organa.

U svrhu analize ponude, Komisija Ugovornog organa je izvršila uvid u dostavljenu dokumentaciju u ponudi ponuđača "Faro" d.o.o. Zenica, kao i kataloge priložene u ponudu ponuđača, te ih uporedila sa zahtjevima postavljenim u Tenderskoj dokumentaciji.

U skladu s tim, Komisija je konstatovala da ponuda, koju je dostavio ponuđač "Faro" d.o.o. Zenica ne odgovara kriterijima definisanim u Tenderskoj dokumentaciji. Naime, Ugovorni organ je u tački 7. "Opis predmeta nabavke" naveo u tabeli opis i količine opreme koja se nabavlja, te je u tački 13. "Ostali uslovi za kvalifikaciju" naveo sljedeće:

Ponuda ponuđača kao uslov tehničke i profesionalne sposobnosti, mora sadržavati:

- Opis i fotografije cijevi u skladu sa zahtjevima navedenim u tački 7. tenderske dokumentacije u tabeli pod rednim brojevima: 2, 4, i 8,

Što se tiče tehničke i profesionalne sposobnosti u postupku nabavke robe, ponuđači **moraju** dostaviti sljedeće **dokumente (dokaze):**

- Katalog ili tvornički tehnički list, za cijevi navedene u tački 7. tenderske dokumentacije u tabeli pod rednim brojevima: 2, 4, i 8 kojima se potvrđuju zahtijevane tehničke karakteristike.

U skladu s tim, ponuđač "Faro" d.o.o. Zenica je dostavio list iz kataloga za navedene cijevi. **Međutim, cijevi koje su navedene u tabeli pod rednim brojem 2. i 8. trebaju da budu promjera Ø 110, a prema listu kataloga ponuđene su cijevi Ø 100. Također, cijevi navedene u tabeli pod rednim brojem 4. trebaju da ima promjer Ø 90, a prema listu kataloga ponuđene su cijevi Ø 75.**

U skladu sa navedenim, Komisija Ugovornog organa smatra da cijevi pod rednim brojem 2. i 8. te 4., prema kataloškom listu ne odgovaraju karakteristikama traženim u Tenderskom dokumentu Ugovornog organa, te u skladu s tim Komisija Ugovornog organa smatra da je ova ponuda neprihvatljiva.

Također, ponuda je neprihvatljiva i iz razloga što ponuđač nije dostavio odgovarajući akt o registraciji. Naime, u tački 13. Tenderskog dokumenta Ugovorni organ je tražio da ponuđači dostave *"dokaz o registraciji u odgovarajućim profesionalnim ili drugim registrima zemlje u kojoj su registrirani ili da osiguraju posebnu izjavu ili potvrdu nadležnog organa kojom se dokazuje njihovo pravo da obavljaju profesionalnu djelatnost koja je u vezi sa predmetom nabavke"*.

*"Dokumenti iz člana 46 koji se dostavljaju u ponudi moraju biti u formi originala ili ovjerene kopije, čiji datum izdavanja nije stariji od tri mjeseca računajući od dana izdavanja dokumenta do dana dostavljanja ponude"*.

Također u napomeni je navedeno sljedeće:

*"U slučaju da se u ponudi ne dostave navedeni dokumenti u vezi sa sposobnosti obavljanja profesionalne djelatnosti ponuđača (član 46. Zakona) ili se ne dostave na način kako je naprijed traženo, ponuđač će biti isključen iz daljnog učešća zbog neispunjavanja navedenog uslova za kvalifikaciju"*.

Uvidom u ponudu ponuđača "Faro" d.o.o. Zenica utvrđeno je da je dostavljeno Rješenje o izmjenama podataka, broj: 043-0-Reg-16-000590 izdato dana, 23.06.2016.godine od Općinskog suda u Zenici. Prema tome, Rješenje je starije od tri mjeseca računajući od dana izdavanja dokumenta do dana otvaranja ponuda tj. do 04.04.2017.godine, kada je bio rok za dostavu ponuda i kada je ista otvorena.

S tim u vezi, Ugovorni organ je u skladu sa članom 68., stav (4), tačka h) i članom 69., stav 2., tačka (d) Zakona o javnim nabavkama donio ovu odluku kao u dispozitivu.

#### **POUKA O PRAVNOM LIJEKU**

Protiv ove odluke može se izjaviti žalba Ugovornom organu, najkasnije u roku od 10 (deset) dana od dana prijema Odluke.

Dostaviti:  
1x Ponuđaču: "Faro" d.o.o. Zenica  
1x a/a



Direktor Društva

Zukić Emir, dipl.ing.maš.